

庶物類纂


金屬
三十七


太政官文庫			
和書門	特別	三二二	三六二
		三	二
		五	十
		署	
函	架	冊	四六五



內閣文庫	
番號	和 32362
冊數	465 (184)
函號	特 54 1

八十四

共計








庶物類纂金屬卷之三十七目次
 刀劍 梁陶弘景刀劍錄

庶物類纂

金屬目次



刀劍錄

梁陶弘景

夫刀劍之由出已久矣前王後帝莫不鑄之但以
小事記注者不甚詳錄遂使精奇挺異空成湮沒
慨然有想遂為記云

夏禹子帝啓在位十年以庚戌八年鑄一銅劍長三
尺九寸後藏之秦望山腹上刻二十八宿文有背面
面文為星辰背記山川日月

啓子太康在位二十九年歲在辛卯三月春鑄一銅

劍上有八方面長三尺二寸頭方
孔甲在位三十一年以九年歲次甲辰採牛首山鐵
鑄一劍銘曰夾古文篆書長四尺一寸
殷太甲在位三十二年以四年歲次甲子鑄一劍長
二尺文曰定光古文篆書
武丁在位五十九年以元年歲次戊午鑄一劍長三
尺銘曰照膽古文篆書
周昭王瑕在位五十一年以二年歲次壬午鑄五劍
各投五嶽銘曰鎮嶽尚方古文篆書長五尺

簡王夷在位十四年以元年歲次癸酉鑄一劍長三
尺銘曰駿大篆書

秦昭王稷在位五十二年以元年歲次丙午鑄一劍
長三尺銘曰誠大篆書

秦始皇在位三十七年以三年歲次丁巳採北祗銅
鑄二劍銘曰定秦小篆書李斯刻埋在阿房宮閣下
一在觀臺下長三尺六寸

前漢劉季在位十二年以始皇三十四年于南山得
一鐵劍長三尺銘曰赤霄大篆書及貴常服之此則

斬蛇劍也

文帝恒在位二十三年以初元十六年歲次庚午鑄三劍長三尺六寸銘曰神龜多刺龜形以應大橫之兆帝崩命入玄武宮

武帝徹在位五十四年以元光五年歲次乙巳鑄八劍長三尺六寸銘曰八服小篆書嵩恒霍華太山五嶽皆埋之

宣帝詢在位二十五年以本始四年鑄二劍長三尺一曰毛二曰貴以足下有毛故為之皆小篆書

平帝衍在位五年以元始元年歲次辛酉掘得一劍上有帝名因服之大篆書

王莽在偽位十七年以建國五年歲次庚午造成斗及神劍皆練五色石為之銘曰神勝萬里伏小篆書長三尺六寸

更始劉聖公在偽位二年自造一劍銘曰更國小篆書

後漢光武秀在位三十三年未貴時在南陽鄂山得一劍文曰秀霸小篆書帝常服之

明帝莊在位十八年以永平元年歲次戊午鑄一劍上作龍形沉之于洛水中水清時常有見之者

章帝炘在位十三年以建初八年鑄一金劍令投于伊水中以厭人膝之怪弘景按水經云伊水有一物如人膝頭有爪人浴輒沒不復出

安帝祐在位十九年以元初六年鑄一劍藏峨眉山疑山王也

順帝保在位十九年以永建元年鑄一劍長三尺四寸銘曰安漢小篆書後改年號

靈帝安在位二十二年以建寧三年鑄四劍文曰中興一劍無故自失並小篆書

魏武帝曹操以建安二十年于幽谷得一劍長三尺六寸上有金字銘曰孟德王常服之

齊王芳以正始六年鑄一劍常服之無故自失但有空匣如故後有禪代之事兆始于此尋為司馬氏所廢

蜀主劉備以章武元年歲次辛丑採金牛山鐵鑄八劍各長三尺六寸一備自服一與太子禪一與梁王

唐物類彙編卷之七
理一與魯王永一與諸葛亮一與關羽一與張飛一
與趙雲並是亮書皆作風角處所有令稱元造刀五
萬口皆連環及刃口列七十二鍊柄中通之兼有二
字房子容曰唐人尚書即李章武本名方古貞元李
年為東平帥李師古判官因理第掘得一劍上有章
武字方古博物亞張茂先亦曰蜀相諸葛孔明所佩
劍也乃改名師古為奏請為章武焉蓋蜀主八劍之
一也

後主禪延熙二年造一大劍長一丈二尺鎮劍口山

往往人見光輝後人求之不獲

吳王孫權以黃武五年採武昌銅鐵作千口劍萬口
刀各長三尺九寸刀頭方皆是南銅越炭作之文曰
大吳小篆書又赤烏年中有入得淮陰侯韓信劍帝
以賜周瑜

孫亮以建興二年鑄一劍文曰流光小篆書

孫皓以建衡元年鑄一劍文曰皇帝吳王小篆書

晉武帝司馬炎以咸寧元年造八千口刀銘曰司馬
懷帝熾以永嘉元年造一劍長五尺銘曰步光小篆

書

成帝衍以咸和元年造十三口刀銘曰興國

穆帝聃以永和五年于房山造五口劍銘曰五方單

符隸書

孝武帝昌明以大元元年于華山頂埋一劍銘曰神

劍隸書

宋武帝劉裕以永初元年鑄一刃銘其背曰定國小

篆書長四尺後入于梁

少帝義符以景平元年造一刃銘曰五色小篆書

後廢帝昱以元徽二年于蔣山頂造一劍銘曰永昌

篆書

順帝準以昇明元年掘得一刃銘曰上血其刀照一

室帝竒之至二年七月帝使楊玉侯織女玉侯女不

得懼死用以弑帝果如銘故知吉凶其徵先見矣

齊高帝蕭道成以建元二年造一刃銘曰定業長五

尺篆書自制之

明帝鸞以建武二年造一刃銘曰朝儀長四尺小篆

書

梁武帝蕭衍以天監二年即位至普通中歲在庚子命弘景造神劍十三口用金銀銅鐵錫五色合為之長短各依劍術法文曰服之者永治四方並小篆書諸小國刀劍總在此

前趙劉淵以元熙二年造一刀長三尺九寸文曰滅賦隸書

後趙石勒以建平二年造一刀用五百金工用萬人頭尖長三尺六寸銘曰建平隸書勒未貴時耕地得一刀銘曰石氏昌篆書

石季龍以建武十四年造一刀長五尺銘曰皇帝石氏隸書

後蜀李雄以晏平元年造刀五百口文曰騰馬隸書前涼張寔造刀百口無故刀盡失文曰霸

後魏昭成帝拓跋犍以建國元年于赤冶城鑄刺刀十口金鏤赤冶字

道武帝珪以登國元年于嵩阿鑄一劍銘曰鎮山隸書

明元帝嗣以泰常元年造一劍長四尺銘背曰太常

至真君元年有道士繼天師白為帝造劍長三尺六寸隸書因改元真君

宣武帝恪以景明元年于白鹿山造一刀文曰白鹿隸書

前秦符堅以甘露四年造一刀用五千工銘曰神術隸書

前燕慕容儁以元璽元年造二十八口刀銘曰二十八將隸書

後燕慕容垂以建興元年造二刀長七尺一雄一雌

隸書若別處之則鳴

後秦姚萇以建初元年造一刀銘曰中山長三尺七寸隸書

西秦乞伏國仁以建義三年造一刀銘曰建義隸書後涼呂光以麟嘉元年造一刀銘背曰麟嘉長三尺六寸

南涼禿髮烏孤以大初三年造一刀挾小長二尺五寸青色匠人曰當作之時夢見一人被朱服云吾是太一神來看汝作云此刀有獻必鳴後落突厥可汗

所有也

南燕慕容玄明以建平元年作刀四口文曰建平隸書

西京李嵩以永建元年造珠碧刀一口銘曰百勝隸書

北凉沮渠蒙遜以求安三年造刀百口銘曰永安隸書

夏州赫連勃勃以龍昇二年造五口刀背刃有龍雀環兼金縷作一龍形長三尺九寸銘曰古之利器吳

楚湛盧大夏龍雀名冠神都可以懷遠可以柔邇如風靡草威服九區宋王劉裕破長安得此刀後入于梁

吳將刀

周瑜作南郡太守造一刀背上有盪冠將軍字八分書

蔣欽拜列郡司馬造一刀文曰司馬隸書

周幼平擊曹公勝拜平虜將軍因造一刀銘背曰幼平董元成少果勇自打鐵作一刀後討黃祖于蒙衝河

元成引刀斷銜頭為二流拜大司馬號斷蒙刀
潘文拜偏將軍為擒關羽拜固陵太守因造一刀銘
曰固陵

朱理君少受征討黃武中累功拜安國將軍作一佩
刀文曰安國

關羽為先主所重不惜身命自採都山鐵為二刀銘
曰萬人及羽敗羽惜刀投之水中

張飛初拜新亭侯自命匠鍊赤朱山鐵為一刀銘曰
新亭侯蜀大將也後被范強殺強將此刀入于吳

諸葛亮定黔中從青石祠過遂抽刀刺山頭刀不拔
而去行人莫測

黃忠漢先主定南郡得一刀赤如血于漢中擊夏侯
軍一日之中手刃百數

魏將刀

鍾會克蜀于成都上中得一刀文曰太一會死入帳
下王伯昇伯昇後渡江刀遂飛入水

鄧艾年十二曾讀陳太丘碑碑下掘得一刀黑如漆
長三尺餘刀上常有氣淒淒然時人以為神物


董卓少時耕野得一刀無文字四面隱起作山雲文
斷玉如泥及卓貴示五官即將蔡邕邕曰此項羽之
刀也

袁紹在黎陽夢有一神受一寶刀及覺果在臥所銘
曰思召紹解之曰思召紹字也

郭維于太原得一刀文曰宜為將後遂為將軍及與
蜀將戰敗失此刀

王雙曾于市中買得一刀賣人曰得之者貴因不見
機謹按因不見下漢魏叢書中刀劍錄有雙後佩

之為魏將後與曹直一刀換也十五字




庶物類纂金屬卷之三十七目次


名劍

括蒼李承勳名劍記

庶物類纂卷三十一



名劍記




庶物類纂卷三十一

金屬

名劍記

一

原物類纂卷三十一



名劍記

括蒼李承勛

軒轅劍

廣黃帝東行紀曰軒轅帝採首山之銅鑄劍以天文古字題銘其上帝崩葬喬山五百年後山崩室空惟劍在焉一旦亦失去

畫影劍

拾遺記曰顓頊高陽氏有畫影劍騰空劍若四方有兵此劍飛赴指其方則克未用時在匣中常如龍虎

無功類纂卷三十一

金屬

名劍記

二

嘯吟

夏禹劍

夏禹鑄一劍藏之會稽山腹上刻二十八宿文有背
面面文為日月星辰背記山川

照膽

殷太甲劍名照膽古文篆書

昆吾

一為
錕鋹

于頔對魏王曰周穆王時西戎獻昆吾之劍長尺有
咫鍊銅赤刃用之切玉如泥

辟邪劍

吳王有辟邪劍

越五劍

越絕書昔者越王勾踐有寶劍五聞于天下

龍泉太阿

晉書張華傳斗牛之間常有紫氣豫章雷煥曰寶劍
之氣上徹于天華曰相者言吾年出六十位登三事
當得寶劍佩之斯言豈效歟因問在何郡煥曰在豫
章豐城即補煥豐城令煥到縣掘獄基入地四尺餘

得一石函光氣非常中有雙劍並刻題一曰龍泉一曰太阿是夕斗牛間氣不復見

吳二劍

吳越春秋干將者吳人也與歐冶子同師俱能為劍闔廬使作二劍一曰干將一曰莫耶莫耶干將之妻也

吳劍

吳越春秋闔閭既寶莫邪復命國中作金鈎曰善者賞百金有久殺其二子以血豐金成二鈎以獻向鈎

呼二子之名曰我在此兩鈎俱飛着父胸乃賞百金服不離身

神劍

鈎命訣漢太公微時遊山澤間有冶為天子鑄劍指太公腰間佩刀曰若得雜冶即成神器可以克天下昂精為輔以殲三殞太公解投冶中劍成授太公

赤霄

漢高帝以秦皇戊子歲於南山得一劍名曰赤霄及貴常服之

神龜

刃劍錄漢文帝劍名曰神龜刻龜形以應大橫之兆帝崩命入劍玄武宮

茂陵劍

世宗記漢昭帝時茂陵人獻一寶劍上銘曰直千金壽萬歲

鎮山劍

刃劍錄蜀後主禪造一巨劍以鎮劍口山往往人見精光求之不獲

倚天青虹

平陽史傳魏武帝初時有二劍一曰倚天一曰青虹其利斷鐵如泥一自佩一賜夏侯恩

珠劍

魏志羊侃初為尚書郎以力聞魏帝試作武狀侃以手扶殿沒指帝壯之賜以珠劍拜征東大將軍

魏三劍

典論曰魏太子丕造百辟寶劍淬以清漳礪以礪磬飾以文玉表以通犀光似流星名曰飛景又曰選茲

良金命彼國工精而鍊之至于百辟以爲三劍一曰
飛景二曰流采三曰華鋌

清剛

魏太子造七首二其一理似堅冰名曰清剛其二耀
似朝日名曰陽文

尚方劍

朱雲傳雲奏帝曰願賜尚方斬馬劍斬佞臣頭

祕劍

彭寵傳朱浮對光武曰前吳漢發兵時大王遺寵以

祕劍

玉具

馮異傳赤眉延岑暴亂三輔以異爲征西將軍討之
車駕送至河南賜以乘輿七尺玉具劍

思君

古今註袁紹在黎陽夢神人授一寶劍及覺果在臥
所銘曰思君解之曰思君爲紹字

文士劍

文士傳揚修舉孝廉歷丞相府主簿總知內外事皆

稱意魏文帝以下爭與之交好修以寶劍與文帝帝
佩之語人曰此揚修劍也其重修如此

西征劍

晉書張軌鎮涼州南陽王模遺軌以帝所賜劍謂軌
曰隴以西征伐悉心相委如此劍矣

百萬寶劍

世說荀勗寶劍直百萬在母鍾許鍾會善書學荀
手迹作書與母取劍不還後鍾起宅遂廢

定國

刀劍錄宋武帝裕于永初元年鑄一劍名其背曰定
國後入于梁

永昌

刀劍錄宋廢帝元徽中于蔣山之巔造一劍曰永昌

梁神劍

梁書武帝命陶弘景造神劍十三以象月并閏

鎮山沈水

刀劍錄魏道武帝于嵩阿鑄二劍一曰鎮山二曰沈
水

龍雀

魏志赫連百鍊為劍號曰大夏龍雀銘其背

水心劍

東晉傳秦昭王三月三日置酒河曲見金人捧水心之劍以奉王曰令君制有西夏因此立為曲水

五丁劍

蜀小志五丁力士遺劍于梓潼縣之龍潭岩間發寶光

千金劍

劍俠傳唐晉公王鐸有千金劍以獲李龜壽

西河劍器

唐本紀公孫大孃舞西河劍器贊跂頓挫獨出冠時一人而已

火精

杜陽雜編唐德宗將幸奉天自攜火精劍出內殿吹檻上鐵狻猊應手而碎及乘輿遇夜侍從皆見上仗數尺光明即劍光也

鱗鉞星鐔

西陽雜俎鄭雲達少時得一劍鱗缺星鐔有時而吼
西蕃寶劍

宋鑑紹興六年二月右相都督張浚請御前降西蕃
寶劍給賜有功將士以為激勸

古銅劍

東坡集郭祥正遺東坡古銅劍二坡詩以為謝一雙
銅劍秋水色兩首新詩爭劍銘

楚銅劍

方輿志宋供奉官鄭文嘗官楚武昌江岸裂出古銅

劍文得之冶鑄精巧非人工所成者

角中劍

劍俠傳角中道人脫郭倫于惡少窘辱郭邀飲為謝
辭去曰吾乃劍俠非世人也擲杯長揖出門數步耳
中鏗然有聲一劍躍出墜地躡之騰空而去

安定劍

咸賓集洪武甲寅安定王遣使貢異劍賜以織金文
綺命其酋長立為四部歲入貢為常

澤劍

少儀曰侍坐於君子君子欠伸運笏澤劍首還屨問日之蚤莫雖請退可也

吳粵劍

考工記吳粵之劍遷乎其地而弗能為良地使然也

桃氏劍

考工記桃氏為劍身長五其莖長重九銑謂之上制上士服之身長四其莖長重七銑謂之中制中士服之身長三其莖長重五銑謂之下制下士服之分景流黃擇精

漢武內傳曰西王母帶分景之劍上元夫人帶流黃擇精之劍

繞指柔

廣輿圖曰揚州興化平望湖中一劍屈之首尾相就識者曰即繞指柔也

裝劍

一統志瓜哇國有裝劍

龍泉

寰宇志龍泉縣南五里水可用淬劍昔人就水淬之

劍化龍而去故劍名龍泉

燕奴

洞微志一術士于腕間出二彈子令變即化雙燕飛騰名燕奴又變作二小劍交擊須臾入腕中

蘭子七劍

列子云蘭子以技于宋君弄七劍迭而躍之五劍常在空中宋君驚異之賜以金帛

辟兵劍

抱朴子或以月蝕時刻三歲蟾蜍喉下有八字者以

血書所持之劍亦得禁辟五兵之道

冶劍

玉海劍冶贊風伯吹鑪雲師煉冶鐵燄朝流金精夜下價直十城名當千馬

斑劍

文選王文憲集序增斑劍六十人

白虎

繁露曰刀之在左青龍象也劍之在右白虎象也三尺水


李賀劔歌先輩匣中三尺水曾入吳潭斬龍子

含光承景霄練

列子曰衛周孔其祖得殷之寶劔童子服之却三軍之衆其一曰含光二曰承景三曰霄練

越八劔

拾遺記曰越王勾踐使工人以白牛白馬祀昆吾山神以成八劔一曰掩日二曰斷水三曰轉魄四曰懸剪五曰驚鯢六曰滅魂七曰却邪八曰真剛



14

2

